





石倉十二代詩選

明三集卷之六

棠陵集

大明

後學曹學佺閱

山中雜興

雲林遺佛龕移作禪寓床床頭跏趺坐夜夜生

毫光光生山虎遁起立孤嘯長長懷白源子宛

在水中央

風松吼西壑月竹過東隣隣家有濁酒禪寓無

主人主人元愛客奈此長病身身羈神每往翻



謂多艱辛

院靜客能留山深人不到到處一長吟秋風落  
巾帽帽落飛鳥銜自笑真絕倒倒景射丹厓此  
意誰可道

雲侶篇贈李參軍

結髮事詩書不售吾將老忽感慈母言亦覺爲  
官好參軍閩海頭拂袖西風早丈夫有遠圖去  
住何草艸吾心本如雲卷舒難自保有肯彌太  
空倏焉寄孤島旣以悅幽貞還能潤枯槁畢竟

總爲雲奚訴亦奚懊所以南海翁永結山中抱

續溪二首

我登泰和樓薰風滿襟袖危臺正相臨飄然出  
宇宙彈琴不下堂湘簾垂白晝樂事誰復知天  
南見孤宿

上有凌霄樓下有近水臺北辰正相映明月常  
先來拱玩總不了虛堂一尊開有客指清水宜  
薦君侯杯

崆同謠



昔有廣成子抱道居空同軒轅降黃鉞膝行從  
下風感然語至道相將入無窮鼎湖丹砂成白  
日騎蒼龍從者七十人鑿車何雖雖神仙擬天  
子輕重猶難同所以論百福惟有壽者隆但恐  
升天後人間不再逢空餘粉繪圖流傳寰宇中  
汪鉅送酒福山  
酒來主不來獨客愁仍在山城十里強憶爾如  
遼海遼海相思日何能如洞庭洞庭今復近自  
對晚風清

金川奇會篇

序曰謝司諫可嵩出使湖南道取常山棠陵  
老農方豪以先友黃應期出胥會此地老農  
卧病祝氏蒼蔭樓不下樓者半月餘矣可嵩  
乃與侍御葉東明肩雨過訪留連竟日東明  
不行可嵩爲豪而留又就酌于北城樓樓去蒼  
蔭尺五相與登山觀水又竟一日可嵩出朝  
鮮楮授余余遂信筆爲之自命曰金川奇會  
篇金川常山之川名也



長安索我懷坐樓衣冠脫畧殊風流見樹窗前  
簿書了清陰對語何綢繆真歡難久人事異予  
向遼東宣德意聞君竟作黃門郎仗節南來喜  
乘駟東方竣事期合并何期卽有湖南行秋風  
使節獨還闕洞庭逐客搖心旌去年拂袖歸空  
谷閉門奉親萬事足天上故人魚雁稀我音敢  
謂真金玉昨來哭送王應期悲深病劇歸山遲  
風雨樓居忽旬日却逢二妙紓吾思窗前古樹  
垂蒼蔭雙馬何爲昂沾浸披衣自起剖泥瓶盡

倒濁醪以相飲青驄先發君獨止多情半爲棠  
陵子駕言復上北城樓萬家煙火城中起樓中  
尊酒臨薰風高歌遠眺雙眸空肯還携手步石  
磴笑指屏山如可嵩梅雨不解遊人興一日陰  
晴亦難定屢登屢下苦驅馳巾服淋漓岳穴瞑  
錦衣故里歸路便予亦高卧棠陵顛黃鶴樓前  
弄江月索予不見應相憐  
抱琴圖歌寄許松臯爾去早土海歸事公  
朝抱琴暮抱琴朝朝暮暮垂楊陰垂楊不化鍾



子期縱欲開囊誰賞音  
我有美人住在松臯深  
長松鬱鬱風蕭森  
便當抱爾去臯上  
遙相尋  
金徽剝落玉軫折  
不遇若人寧埋沈

玄渚行寄曹鳴甫

君不見牛渚磯深多水  
怪然犀照見惡境界  
又不見渚宮亭殿光如霞  
清江白柱令人嗟  
獨不見平湖之曲有玄渚  
舟航不泊人跡拒十里  
桃花香霧深閨爾無人  
但聞語借問語者誰  
曰有曹子擁臯比  
昨日新成草玄宅  
便有酒船來問

奇主人益用求蕭索  
自稱此是堯玄國  
豈識逃名名我隨  
何事先心守其黑  
吾聞曲江之渚花  
冥冥春風吹出鈞  
天聲  
主人長揖玄渚行  
江邊醉聽宮楊鶯

孫從一南江小閣歌

我昔鼓櫂漢江來  
極目曾上陽春臺  
遙天落日金甲動  
平地微風翠縠開  
清宵靜浸櫺木影  
白晝自溼葡萄醅  
江邊畫棟飛跨水  
笑吸銀河弄牛女  
玉簫時引丹鳳鳴  
鍤笛欲騎黃鶴起  
飛廉



豈候漢神人太乙爲訪孫太史太史當年此讀  
書捐階閉戶惜居諸書聲出郊泣虎豹燈光入  
水翻龍魚北闕初領擊蛇笏東甌爭卧搏鶻車  
車入長安稱上意留作玉皇香案吏激烈猶傳  
十漸章澄清獨攬三關轡同州元是制誥才開  
府豈非宰相器御筆親除下越中外臺已動中  
臺風雨浙波濤看平定三衢風雨先併幪廻首  
江南白雲隔前肯小閣丹霞籠雲霞漠漠山千  
疊閣未可登江可涉願從賢輩畫凌煙且向中

流歌擊楫他年詩興動梅花期爾漁舸泛蓮葉

鳴琴圖贈徐上海惠新

我聞徐君治上海一曲清風單父宰海雲初散  
海月升吏去庭空若有待忽有神人落九天自  
言古調爲君傳阜財解慍有至理不遇知音幾  
絕絃徐君聞之即改調海上之民盡歌笑戴星  
出入徒自勞爲政原來貴知要指日徵書來召  
君貯之錦囊入五雲雲中一鼓鳳凰下前日清  
音四海聞



次蕭若愚雨中觀桂花歌

鴛鴦湖邊桂子開湖上娟娟月華吐貞姿元不  
畏天霜何論區區此風雨誰知彼是廣寒身暫  
爾移根在下土一朝月姊懷故枝應遣六丁拔  
之去直將桃李比絳灌羞與此等相爲伍梅林  
老子獨醒人花神要爾長作主莫因一雨便興  
嗟雨中虧損晴中補憶子孤吟帶冷香吏散庭  
空門正杜臨風寫寄逋吏巢巢翁讀之裂肝腑  
便欲爲君追雨師從今不放商羊舞綠葉丹花

自歲年獨與榛梅鬪清苦

秋塘雙鳥吟

荷葉已殘花已老江南可惜秋光早屬玉飛來  
淺水立晴風輕颺羽衣好上有白頭何老蒼低  
迴似欲窺蓮房蓮房入秋正甘脆不用他洲謀  
稻梁憶昔春風百花爛乳燕嬌鶯恣凌亂誰知  
一夜金風生前時儔侶皆分散羨爾雙禽守歲  
寒寒塘棲息偏相安古來豪傑總如此遲暮功

名更看曲



秋閨曲

犀花開風自香楊柳葉瘦經初霜流光如電  
人易老美人秋來情更傷江湖渺渺人千里生  
憎世上無情水一送君舟不倒迴望夫石畔寒  
煙起捉筆題封何處投飛鴻不到晚粧樓侍兒  
寧會其中意坐對青山獨自愁

金衢孫女謠

浙東俗不舉女南江孫從一重其禁俗漸以  
自悟凡生女者皆呼爲孫女云

金衢生女不如雞雞生恨弗安懷抱愚民利重  
骨肉輕公然殘毀笑相告不識軍中有木蘭但  
知五女不防盜自此人間多曠夫空設官司禁  
淫暴南江孫公達政權他事未理茲惟先風雷  
號令撼山嶽犯者必罪無曲全昨夜東隣夢蛇  
喜今日西隣錦輓懸愚民緣法見真性數月生  
女當及千人人呼作孫氏女賈彪之美安得專  
由來人性亦惡殺流俗相染豈其然斯時更乏  
孫公者人類漸滅誰之咎山人近出棠陵麓聽



得野老齊呼祝曰有孫公此法行女包不殤人  
不獨天桃會見宜室家縣廕還將衍嗣續公平  
公平多子孫九峰閎閎誇安陸

謝黃門惟盛畫菊歌

野人獨卧蒼蔭樓滿簷細雨如清秋自倒床頭  
一斗酒欲傍東籬散我愁不知此時方五月籬  
下苗新花未發黃門忽遣白衣來一幅金錢映  
窗樾金錢歲久色不改埜人欲采那可采對之  
以比無絃琴一舉千觴鯨吸海平生意興空八

極惟有黃門獨深識湖南昨賦歸去來五斗糠  
粃真一擲棠陵三徑殊未荒老翁笑共黃花香  
明年使節肯相過解衣枕藉溪雲蒼

其棠鳴德歌贈董明府

君不見馬金溪邊仙子國奇樹纍纍結其實春  
日花開好顏色夏日團陰便憩息此樹無名人  
叵識棠陵老農獨知得涇川黃侯手親植旦夕  
滋榮何爾亟下有仙禽抱五德丹霞作冠雪作  
翼一鳴淺渚偃鳧勛再鳴涇郊泣狐蜮秋風欲



向金鑾側絳幘齊聲百僚陟莫教便奉曉籌直  
棠下有人長爾憶

乙酉十二月二十日松卧對雪讀未三峰

雪壺堂集用韻

長松久卧本無疾飢愛松間露華溢天公忽散  
白玉丸張口承之殊可餐因懷海上節旄落正  
氣能使瓊裘愕如何我丈夫空卧袁安雪四海  
無相知求合吾豈屑有官不做非狂亦非顛老  
骨只好學種山中田却怪閩南賢太守拂衣亦

卧三峰前峰前此日飛瓊花風景得似棠陵嘉  
吟肩瘦並老梅立雪壺堂冷鎖空衙嗚呼平地  
生波浪長風短棹同輕颺兩地應懷剡水舟一  
樽誰共汝南釀聞汝行窩雲水深吾臺石屋春  
沈沈明朝雪霽錢塘淨訪鶴孤山諧素心

探春詞

江南春信人不知爾却便欲先知之紅花爛熳  
白花映正是春光全盛時孤吟自喜春光盛竟  
日悠揚誰復聽花枝亭亭未生風流雲滿地空



山靜

百鳥圖寄黃中丞子和

黃鶴樓前江水深  
 金沙洲上長松森  
 山翎水羽競飛逐  
 清風白日吹好音  
 中丞才望世無比  
 干戈寧戢消贊理  
 對時育物萬家春  
 景象分明畫圖裏  
 湖南逋吏曾來遊  
 潛沔浮殍橫余舟  
 開倉無策汲黯困  
 只今猶抱江湖憂  
 寧知今日物亦樂  
 恨不飛身附黃鶴  
 赤壁洪山夢已無  
 却喜前憂不復作

柯山圖

吾本柯山主歸來未及游因君圖畫裏憶我水

雲丘碁局宛相對神仙如可求清風吹細竹此

地亦堪留

山山又和賓山

狂客歸江漢逍遙賴爾亭自憐雙鬢綠猶有舊

瓊青漁業一竿竹仙謀千歲苓况逢支遁輩終

日坐松扃

春雨課樹



春雨滋膏土山中種樹天千章俄輻輳一望總  
新鮮病足登樓看閒時作記傳微官悞生計辛  
苦惜殘年一竿於此驚千歲琴瑟文戲華歆  
五容泊苦竹保豈醜爾亭自對雙梁燕燕春  
已出江湖外依樓苦竹村曾梁迷水國燈火見  
柴門安穩從今夕清幽訝故園康郎夜來急且  
喜闔舟存家賦樓柳階吹西東清風吹睡竹  
吾本故國正體來未及於此詩  
故國春猶好晨風送馬蹄四山花氣雜萬壑水

聲齊舊木鶯初出新舊犢正肥老翁閒倚杖白  
髮照清溪

谷口夜夢故山花發田家扣門借甕貯酒

才斷人間念歸舟夢已清忽傳村酒熟况值野

花明借甕應相餽敲門總不驚披衣忙起問江

月正雞鳴

白芙蓉

石澗初栽汝秋風已著花光搖山月潔情倚竹

籬斜蜂蝶何曾識門闌亦自華爲誰開老甕相



對慰咨嗟

療飢園

巨漲侵南畝開園以療飢  
春風芝草發秋雨菊苗肥  
小籠和燠采長鏡帶月歸  
老農思學圃便欲扣柴扉

和鄭于成東麓舊隱

谷口躬耕地當年動少微  
灌園終是拙出岫豈為非  
木長多踰屋荷殘誰製衣  
海鷗春自轉落日柳依依

憶春

春風携手處時序正芳菲  
鳥向愁邊聽花從夢裏飛  
塵封明月鏡苔上錦雲機  
爲有高堂暮舍情泪豈揮

萬春墅

東園餘十畝花竹已成村  
曉雨長知候春風不出門  
倚樓詩滿目留客酒盈樽  
屈曲桃源路漁郎空自煩

龍吟山



尖峰入雲去飛瀑繞峰來遇石聲相激出山勢  
不迴行牽黃犢飲坐聽白龍哀近日憂多旱煩  
爲作雨回

揚州月

湖上洲何廣垂楊三萬株月中聞鼓棹夜半見  
驚鳧爽氣長沾濕濃陰遠散敷清宵因送客迷  
漫失歸途

河田雨

河田長畜水一雨更堪犁布穀初調舌烏犍正

沒蹄畊夫蓑笠重饁婦髻鬟低但願秋成好賓  
朋足黍雞  
去日觀物樓

結樓河水畔長日足奇觀雲鳥銜朱箔山川擁  
畫欄長歌應樵牧高視眇王官靜夜書燈見神  
離太乙壇

山中贈詹德含

德含書札妙訪我入棠陵菊雨開朝甕松風拂  
夜燈時分溪石坐每伴嶺雲登歸向賢昆弟休



言苦不勝

送章子發至雷嶺

山中春獨早  
枕上雨初晴  
泉響妨人語  
花明照客行  
埜老杯盤潔  
溪風杖屨輕  
孤琴餘萬里  
此別最關情  
蒼丘贈謝容  
去日登樓看  
秋深草木黃  
此丘不改色  
何處更知霜  
鶴點千山白  
松連萬畝蒼  
携童步明月  
水氣浸衣裳

寓江郎部檄至

欲任煙蘿洞  
還驚部檄新  
清時猶未棄  
野性竟難馴  
肯便移初志  
聊將悅老親  
君恩何忍負  
林下亦須人

九月十日與戒言僧敘酌靈山

山中秋月照  
黃花再作重  
陽興轉加  
病後光陰逢  
爾輩閒來詩  
酒是生涯百年  
湖海交游廢  
千里風塵道路  
賒猶憶中宵  
歌細雨洞庭  
回首鬢全華



將行辱徐朝仲諸來鶴亭苦留且言明日

將雨言未畢而雨席上賦謝

使君留客意通天坐看前楹雨脚連孤館有魚  
長缺静空庭無鶴短車懸地寒白酒圍紅火日  
暮青山帶紫煙越水巴山幾千里相逢安得謂  
非緣

草萍驛會徐伯和

山中長費故人招此際相尋與獨饒驛路旌旄  
凝素雪野堂燈燭話清宵况聞新政多奇偉極

喜斯文未寂寥醉折梅花贈君去願言須保歲  
寒標

讀石湖詩卷懷文徵明

癸未別君濟水濱楚天迴首劇思君君今待詔  
趨金馬我已辭官卧白雲闕下起居應自得山  
中消息不相聞石湖佳句燈前看便欲湖邊覓  
舊羣

聞李道夫謝事

鴛鴦湖上春風起不見當年李使君五馬翩翩



辭別駕雙鷗洒洒結新羣長鏡帶雪尋黃獨高  
枕向天眠白雲南海棠陰接東海至今歌詠四  
方聞

常山會曹瑞安誥

不見平生梅廣文金川此夜忽逢君玉標猶想  
清冰色仙鳥遙隨碧海雲春入縣齋花欲滿風  
傳驛路鳥初聞割雞羨爾分佳地談虎令人愧  
舊羣

以文待詔舊贈圖贈文材

昔年曾訪文徵仲爲寫霜縑寓歲寒古木槎牙  
真鐵石幽篁脩潔比琅玕山中晚節期無愧別  
後貞姿把爾看天上故人今不棄欣然持贈碧  
溪瀾與對外人對文酒

哭林見素

濟上相憐意獨深棠陵一記重千金青山灑淚  
看遺表白髮含情罷素琴出處光明完令譽文  
章奇古振衰音雲庄昔日行吟地落木蕭蕭風  
滿林



寄金蓉溪司馬

聞公歸去芙蓉溪  
溪上芙蓉開滿堤  
釣艇長隨秋月出  
書齋晴覆錦雲低  
江山生事繁  
花寄宇宙功名太  
史題只恐風波猶未定  
蒲車早晚入巴西

與陸倕人傑夜酌

故人一別湖湘去  
回首衢州翻異鄉  
比我辭官歸太末  
嗟君持最報明光  
三年復共金溪月  
五夜猶傳玉笋香  
立馬棠陰童僕倦  
歌燈遙射白

蓮塘

寄梁龍遊

翠光岩下水六月動清風  
安得扁舟過高談碧樹中  
看月月不知幽人寂無語  
山空秋夜長松露濕

如月

聞歌

春月照薔薇清歌散棲鳥  
山僧不得眠燭盡鐘



聲曉

棠川雜興

川上棠花老花前客未歸子規不解事隨月到  
松扉

畫景寄方夢升

垂楊低拂水落日半銜山孤艇初收釣木蘭煙  
霧間

和寄遠

秋雁孤雲末秋苔積雨餘征衣纔摺疊深處插

家書

聞伍中丞時泰得請

聞道留侯謝病歸松陰月色滿柴扉却將江上  
擒王手且向山中理釣磯

江陵風景我曾觀遙望松滋煙水漫此日人龍  
還舊卧雙峰時起劍光寒

寄霞山人

紫霞深處草堂幽仙客燒丹月滿樓半夜瑤笙  
天外度松間警鶴唳高秋



慰童正夫解秩高林

宦海聞君已轉蓬欣然歸去撫孤松野人不放  
湖南權安得酣歌十二峰

客至

石澗歌殘水自鳴草堂歸卧午風清美人白馬  
來何處醉折山花立鳥驚

滄江吟

白髮滄江酒一樽丹楓赤壁自為村沙鷗汀雁  
真吾侶垂老何嘗識縣門

題竹

福山赤日愁逋吏誰送清風到草堂睡起煙梢  
斜掛壁猶疑使節在瀟湘

金刻晴望

積雨初晴出草堂燕嘉樓上倚斜陽高峰面面  
看猶濕一道飛泉有許長

二客

江水茫茫白雁飛平波對語竟忘歸人間豈有  
滄洲客太史應占落少微



謝陳士問寄洞庭煙雨圖

陳郎寄我洞庭圖應道樓船未入湖一笑平生  
皆寓意小齋坐對君山孤

留別李德符

風骨飄飄李謫仙春花相對酒盈船明朝直向  
金陵去采石江頭月正圓

石倉十二代詩選

明三集卷之六 終

石倉十二代詩選

明三集卷之七

遂谷集

大明

信陽戴 寇著  
後學曹學佺閱

別其景賜

桂枝出桂林蘭草生蘭澤臭味苟相同未論形  
骸隔憶昔初見子與子兩莫逆何以效區區贈  
子雙白璧我義既斷金子心亦匪石我倡子必  
和子往我殊適三歲為新懽不謂行當別載言  
往從之與子遊六極嗟我在網羅豈有凌風翮



踟躕衢路中引領情內迫白日不可留紅顏亦  
堪惜蹇脩貴及時勿爲兒女戚古人重義氣相  
期保無斃他年風雨夜與子語夙昔亦謂子必  
知爾馬上贈陳思中于兩莫並所見效到到散  
瀛州十丈雪五日不見人君從何處來天涯忽  
相親坐對不能語洒然怡我神蹇會復云別眼  
底分燕秦送之出城門遠望滹沱津此衷但日  
潔去去勿復陳

訪陳邦器不值寄之

朝出江東門暮出江東門美人棄我去望望江  
色昏君行向何許君家在江渚我心逐江水見  
君不能語

思歸

回首青山白極目黃河黑煙水自迷茫雲峰自  
劣巔遊子何日歸羈此燕山北孤燈五夜風陋  
戶千年月道路阻且長夢魂忘楚越秋雁去還

來歲歲他鄉客

送彭仁卿



海風萬里吹丹崖  
洪濤夜蹴天門開  
大鳥翻飛九天外  
天吳紫鳳紛相迴  
送君行兮聊徘徊  
我有短歌君莫催  
翠龍之駕猶未迴  
紫宮玉殿生香埃  
千官飽飯坐雲臺  
萬眼正望羲和來  
我病南荒歸不得  
送君空洒心頭血  
袖中豈無諫獵書  
幾回北望雲霄客  
君過金陵見聖人  
好將此意披龍鱗  
何時下詔罷南巡  
臣死南荒不敢真

丁丑道中興感鵲

鷓鴣新啼啼且亟  
草根露重聲如塞  
昔聞爾名未相識  
今聞爾啼長歎息  
試問哥哥行不得  
何用一身生兩翼  
羅浮遙遙雲似墨  
山高水深道多棘  
鷓鴣鷓鴣爲爾淚  
沾臆

贈林石渠二守

朔風吹江江倒流  
霜空戛戛寒雁愁  
高張銀燭羅衆羞  
大夫留客夜未休  
我勸大夫一杯酒  
酒酣拔劍蛟龍吼  
不見七國初破時  
尊前却訝吳王走  
大夫大夫奈爾何  
停杯聽我都護歌  
西江



露布廻天地麒麟閣上功臣多

競渡曲

五月五日楚江晴菖蒲葉綠江水清楚人乘舟  
蕩雙槳鳴金椎鼓魚龍驚屈原死去不復作魂  
兮千古何蕭索年年空向江中招薄暮歸來風  
浪惡君不見去年今日海子頭花帆錦纜黃龍  
舟中流不戒成倉卒萬歲君王却悔遊

單橋午發

滹沱二月水漸滿離愁漸杳東風軟佇看千里

瞬息間蘭舟一葉暮天遠當年季子辭洛時不  
似今日無人知丈夫落魄未遂志青冥健翮棲  
凡枝

秋雨歎

秋雨蕭蕭晚未息隔葉寒蟬啼不得俗吏言歸  
得懶閒濕熱蒸人妨寢食僮僕瑣屑日往來雞  
栖犬卧無相猜可憐巷僻經過少空堦一夜生  
青苔

辛巳七月一日登樓



落日蒼梧遠孤臣獨倚樓  
雲山空洒淚江海豈容愁  
屬國歸無日文園病未休  
不堪南極外風送九天秋

寄王德徵登州

王子十年別封書萬里來  
乾坤知汝在涕淚向誰開  
海國青春隔天隅白髮催  
相思一搔首獨上越王臺

向夕

落日去遙岑孤村暝欲侵  
犁鋤歸別坂煙火散

前林羈鳥驚風起幽花入  
夕深時乎須向晦吾亦閉門吟

南夏

不作炎州客那知宇宙偏  
日車淹北戶火樹爍南天  
氣溽乘宵雨雲蒸挾暮煙  
波斯夸白氎出入不曾捐

喜張舉之至

幾月無人到新秋獨爾逢  
雲山如有待杖屨忽相從  
不寐祀明燭無言啼暗蛩  
一尊高閣裏終



夕對元龍

立春日舟中題

作客尚無地他鄉空復春  
舟中兒女大天外歲  
年新樂事喧殊俗窮愁縛遠人  
椒盤懷故里腸  
斷白頭親

曉發

村雞喔喔啼取火照行李  
隔離謝主人出門渡  
溪水豈不愛山林那復趨城市  
仰觀羅浮嶺白  
雲猶未起

方子過訪宿荷塘

江山最幽處與子更連牀  
樓靜燈移壁林疎月  
過塘異方成剡曲高論敵濠梁  
此日看同調他  
時慎勿忘

東瀛州別業次甘泉韻

東瀛應不遠吾欲與君遊  
采藥畱方丈吹簫上  
祖洲風塵看世路日月共川流  
何似煙霞客從  
來不解愁

登張舉之書樓



樓促高城起登臨送日新三年為客地萬里故  
園春江樹迷歸鳥山花擁戰塵莫令王粲在此  
際更傷神

送樂庾使

海雨夜來至瀝雲朝更飛我猶天末滯君獨嶺  
南歸幾日留鄉井秋風上帝畿欲憑將尺素故  
舊近應稀

遊惠崇

惠嶺千峰轉悠悠春望賒天迴湖外草日動寺

前花拄杖石林迥移尊松逕斜雲中下雞犬咫  
尺是仙家

秋夜

虛閣渾忘寐蕭蕭見斗牛柝殘三市夕月冷萬  
家秋無策干明主何緣覓遠侯年華坐中去撫  
劍獨生愁

懷張先生不至

秋盡思君至含悽對落暉馬蹄門外少鳳字壁  
間稀斗柄行將轉遊人倦欲歸抱琴如有意為



我拂金徽

送蔣文孚同年

蔣琬江南去孤帆四月開  
愁經豺虎道喜上鳳凰臺  
石鼎烹春笋水盤薦夏梅  
相思渺南北旌節幾時回

訪吳廷勉博士席上口占

千里風塵路相逢且暫留  
雖然南北產同是帝王州  
秋色生疎柳清蟬起暮愁  
客心正寥落莫上仲宣樓

重遊賢隱寺

不到翠微裏悠悠二十年  
石橋斜斷路雲木上參天  
古洞藤迷處高僧雪滿顛  
重來更何日久矣欲逃禪

別毛潘二御史次席間韻

今雨西臺愁欲醒檐花細細隱  
朱櫺燈前取醉尊仍綠  
客裏相看鬢各青幾日春消南海瘴  
何人夜識太微星十年兄弟襟期在不用臨風歎野萍



遊竹墅

十里江風吹竹林萬竿斜日坐陰陰  
主人不惜玉壺淺客子翻疑金谷深  
白晝水邊閒繫馬清秋花底下鳴禽  
山翁醉後且歸去明日杖藜還獨尋

送丁原德北歸

却憶往年分手處相逢忽忽又三年  
秋風碧樹淮南月暮雨黃茅海外天  
我已携家依峒戶君今鼓棹破江煙  
一尊重對知何日萬里生還未

有緣

畚林德孚次韻

抱罪炎州歲月深病顏青鏡不堪臨  
一封浪比昌黎疏萬死空悲報國心  
到處從教輕北客此身還欲重南金  
知君最有相憐意馬上題詩送夕陰

皇恐灘

皇恐灘邊日色斜扁舟欲上石如麻  
天風颯颯三江斷雲樹蒼蒼五嶺賒  
水落瞿塘聞戒馬路



經湘渚憶懷沙無緣寄問關門尹曾向東來見  
紫霞

到嶺呈南安季守

歲暮他鄉傷客心南天雲日故陰陰江寒峽口  
哀猿斷風急關頭落雁深是處梅花堪送目誰  
家竹葉好開襟高情惟有南州彥把劍無慚行  
路吟

憶信陽

身在長安思故國眼前風景不勝情畦田千頃

水雲碧樓閣萬家絃管鳴峭壁和煙藏野寺平  
川帶樹遶孤城何年得遂歸休願携酒登臨送  
此生

九日夕孟無涯携酒過宴遂次韻

重陽不遂登臨約故插茱萸送客杯塞雁紛紛  
白露過寒衣處處早霜催淒涼舊事長歌盡潦  
倒幽懷向醉開今夜秋風吹不徹山樓鼓角動  
邊哀

春寒



今年二月晚風和三月寒風轉更多乍見桃花  
飛乳燕驚聞柳絮點輕蘿經春雨斷陰霾合數  
日朝回午漏過氣候不齊消息異幾時胡虜出  
黃河

雨晴出左掖

北闕春雲散曉扉西山雪日弄晴暉雨聲恨不  
連三日松樹須教過十圍歲遠玉螭書未有書  
長金馬詔全稀侍臣欲老惟疎放自歎從容退  
食歸

宿泗州寺次黃伯固

薄暮肩輿漫款扉上方窈窕磬聲微一簾風雨  
疑燈滅十里松蘿任錫飛安得共尋陶令社不  
妨更拾首陽薇夜深獨卧諸天外頓覺人間萬  
事非

春日湖上

匹馬春風湖上來湖中新水碧如苔柳條弄日  
遙堪恨鷗鳥銜魚近不猜入浦漸多閒島嶼抱  
江無數好樓臺楚州自古當雄地此日遊觀亦



壯哉

途中寄王定遠

去去別淮浦行行到江鄉  
漸覺故人少空愁前路長

明月曲

明月入我帷徘徊不能語  
腹中生車輪雞鳴向何處

送何希漢遊羅浮

聞君有意覓丹砂  
裹飯朝來海上槎  
倘見葛翁

煩問訊洞天曾共醉  
胡麻

憶友

園林鬱鬱暮鴉棲  
惆悵王孫日已西  
孤枕夢魂無着處  
江南春草又鶯啼

春興

獨館春寒夜不禁  
天涯爲客益沾襟  
誰家吹笛東風裏  
明月關山萬里心  
浮雲逝水兩難平  
野鳥山花亦世情  
歸雁不知鄉思惡  
夜來猶作斷腸聲



紫燕銜泥故故飛  
白鷗依渚自忘機  
青衫烏帽風塵裏  
惆悵雲山何日歸  
懶性逢春野興賒  
春殘容易引悲嗟  
東風無奈今宵惡  
落盡空階滿樹花

春日漫興

燕姬十五未經愁  
終日含情獨倚樓  
浩渺不知春已去  
忽驚飛絮撲簾鉤  
禁柳垂煙千尺長  
千回百過曉鶯忙  
春心訴盡無人識  
只恐東風入建章

東安門內千株柳  
海子南頭萬樹花  
翠輦曉從官裏出  
黃鶯識得是官家

題正陽公館次王公濟

花柳邊淮處處春  
點粧行色未爲貧  
院中落日無相語  
壁上看詩憶故人

贈舞者

旋着春衫上舞筵  
千迴百轉落金鈿  
不知楚客無情思  
幾度回身送可憐



無勝請塾上香荷對人  
蘇勝數筆氣氣未無  
東安門內千林勝於千南  
首與出黃當齋於官家

石倉十二代詩選

明三集卷之八

拾存稿

瀘州曾嶼著  
大明  
後學曹學佺閱

送鄭少谷繼之謝病歸

美人歸南國臨別意躊躇念昔對牀語俱忘永  
夜徂入闕道阻脩不得尾籃輿子與何仲默南  
北兩瓊瑤豈獨詩名並清癯質亦如我有迂愚  
見請子姑舍諸苦吟斲天和鉛槧亦可踈願學  
無名璞悠哉樂有餘



龍巖午憩

龍巖真龍居而我偶然到崇巒四面圍一曲清  
溪抱初疑洞口窄步入使心掉堂隍有虛腹攀  
躋展遐眺誰謂白雲隈取適兼曠奧午枕鬆百  
慮天籟停萬竅愧非卧龍人清吟當長嘯

春日將抵潯陽阻風兼雨雪

泊舟潯陽江陰霾暗原隰中夜撼北風萬竅號  
愈急初疑蒼兕吼忽聽長蛟泣琴書盡欹側裝  
囊亦濡濕驚呼人語亂閃爍電光熠黎明亟起

視江水十尺立沙岬崩相續雨雪仍交集小舟  
半傾覆大舟如浮笠錦纜已紛披危檣尤岌岌  
就枕豈敢卧蕩析何嗟及五日不停吹將無徧  
國邑

發江陽次王鳳巢韻

鷓鴣非大鵬何敢擬九州一枝卧深林遠謝百  
尺樓伊誰鼓南氛攬我疎遜謀廓清俄頃事灝  
氣從天流

其二



山丘違昔步水鄉計初程顧影中無慚方作道  
遙行仙客贈嘉言親朋酌深觥預期春旆轉煙  
艇共相迎

遊峨嵋歌

昔我遊岷山遵古導江邑突然見青城連峰自  
西極江源噴玉深澗流千崑萬壑還相樛中有  
雪山特奇峻人言高並崑崙丘南望三峩在人  
境鬱鬱葱葱接岷嶺歸來幾度馳清夢今到峨  
眉夢如醒入處先過解脫橋幽曠已覺塵凡超

龍門洞眇藏漁父歌鳳臺荒息野樵懸泉雙走  
不能住石梁界之愈號怒界處分明雙玉龍合  
時還似銀河注黑水池蛙奏八音白水林蟬却  
類琴但怯頂心坡絕陡不妨九嶺路崎嶇木笕  
迢迢入雲竇清泉細細通厨右不須五味共烹  
煎一味清涼正堪漱古樹長毛立老翁青岑翠  
色轟芙蓉有時煙霧平于掌却訝平川在眼中  
雷洞沈沈黑無底前代鐵牌傳禁語弗迷必變  
我有言舜孔存心只如此六月莎蘿開白花花



開春月比紅霞八十四盤攀涉盡亭名歡喜坐  
呼茶行行忽近天門石足躡天門神自逸從此  
登臨最上臺下瞰人寰如一粒依依就食無名  
禽喚之卽來無怖心豈獨海翁能狎鳥忘機狎  
物古猶今携籃采藥何所有烏頭龍膽隨吾取  
寒濕殊性乃並生信是鍾靈異培塿更憐晴晝  
日舒長陽崖寶氣生圓光天陰日曷乃無有正  
法眼觀理則常地寶天光由太始豈緣後世纔  
云爾遂令諸穢瀆山靈我見我聞心憤耻名山  
巨鎮聖所崇况乃元化之攸鍾我爲衆生歌此  
句永徹邪障開朦朧

遊廬山訪香爐石梁瀑布憩開先寺

朝揖山樵問庄父答言靜者潛山塢相從步自  
湖西曲野村斷續溪橋午循溪躡石溪流長長  
松參天自唐宇蒼鱗慘裂怒蚪折翠蓋團團黑  
鷹舞庄父之廬在何所山樵弛檐笑而僂始言  
庄父去已遠幽勝不與區中伍終南似兒孫北  
山等毛羽無勞問天台安足數天姥我聞樵語



心眼舒山風烈烈吹霞裾霞裾薰帶牽瑤草窮  
躋歷覽憑空虛香爐紫煙生一縷石梁甘露誰  
爲備仙靈恐有俗客徃雙劍常護雲中居玉女  
暴綃今未收俗呼瀑布爭相譽化作龍湫寒且  
漣僧房分溜盈清渠錦屏三三掛南斗凝光落  
碧錦不如李白詞華未凋滅昭明著述留緒餘  
文犀望月三千秋獨恨李白忘吹噓我來偶得  
同佳侶况值兵戈消歇初夕陽在山怯歸去坐  
啖石耳煩歎除歌罷虛簷光彩動白雲已展吾

當書

兩厓行和王浚川司馬韻

君不見見攬轡西行楚兩厓青天白日岷峨開周  
家猶龍有柱史漢代司秘真蘭臺公昔契道趨  
言筌山中觀物探幽玄石牀映蘿野鶴縈茶煙  
晴窗無襍吟時擬天人篇萬言一朝動丹宸布  
袍變作蓬萊仙蓬萊仙人從此起手握天綱今  
一紀豸冠岌岌重清班驄馬人人識朱子况有  
文瀾似滄海鼓舞俊髦功化在金鐘大鏞揚遠



聲冰壺玉衡蘊光彩願公早入端揆調四府但  
令春圃生華萃絕勝南洲玩芳杜野人常見時  
暘與時雨

辛卯元日客章江石亭寺

去年元日左蠡舟孤帆帶雨行不休今年元日  
章江寺江氛慘淡禪關闕百年元日半已過兩  
年元日客如何嬌兒在家問吳楚衰翁在外思  
岷峨岷峨道遠違心賞棄置無語杯在掌鐘聲  
斷續梵音清面皮亦覺桃花上明日東風吹客

衣放歌江外歌來歸耳聾眼暗與世隔歲歲春  
光卧翠微

過露筋烈女祠

道上蚊食我肉不能絕我筋道傷人窺我面不  
能轉我心荒祠歸然已隔世環佩寂莫魂如生  
如何祠南纔十里獻身卽有青樓女

飢民篇和韻

六月不雨百穀槁南山打龍北山禱雖有根荄  
向晚生又值秋霖成腐草泥中摘蕙金中焙三



日中間一日飽然眉勢急可奈何出門乞貸意  
蹉跎里中富室猶思患市上貧兒待價多皇天  
生我俱在世賦命不同理則那嗚呼飢來飢來  
不可忍側身北望恩波迥

東行多逆風舟人愠甚放歌以解之

虛舟寒自岷江發岷江水平山嶺萃中流鼓楫  
坐忘日巴峽瞿塘恣趨忽東來浩淼信風帆風  
伯不仁每相突荒汀野心苦膠柱咫尺相望比  
吳越夜濤擊柁心如搗勢欲裂舟舟恐沒簸蕩

安尋鸞鶴巢驚危常傍鼃鼃窟有時晴輝映窗  
隙開窗一展眉間艤陰雲遮隔濕霧飛天高暖  
氣不到骨紅爐那復眼中見荻葦炊煙亂蓬勃  
聽風聽水令人愁愁水愁風生白髮亨衢快步  
者何適嗟我卑棲尚飢飢歌罷招魂空嘆息童  
僕慘慘猶凍鶻且從漁父覓村醪陽春芳草無  
時歇

山房四詠

山房然松夜有光晝藝松針香遶堂狀如雲霞



倏變化夜光且燠娛我房我生得此已爲幸猶  
勝冷落依頽墻于嗟乎蘭膏獸炭俱費事聽我  
一歌松火香

農家稻草就樹縮抽來鮮好色如染重重鋪我  
竹牀上睡我溫柔忘展轉我生得此已爲幸時  
夢羲皇意不淺于嗟乎錦文繡段不加溫聽我  
一歌草褥軟

穠穠粒粉出嘉禾芼以嘉蔬勿太過嘉蔬孰宜  
宜白菜作齏爲羹味更多我生得此已爲幸無

粒無蔬又奈何于嗟乎肉羹肥濃亦有蠹聽我  
一歌菜羹和

蕩沃所資湯不免古養生書有高選栢葉青青  
活火烹飲啜雖多多亦善我生得此已爲幸况  
有神功比盧扁于嗟乎茶寒椒熱戒煩數聽我  
一歌栢湯暖

泊洞庭

南湖天在水春日客登樓正想咸池奏空瞻碧  
樹浮鄉心傳去雁暮雨滯扁舟遠適知何極東



隨江漢流

同諸君子遊西郊

出廓已蕭爽况隨鸞鳳儔海門初日曉馬首萬  
山秋野席無供給清尊任去留天風吹兩袖汗  
漫幾時遊

渝州喜雨

中夜江聲急崇朝山色濛打窗移散帙沒纜繫  
高楓清燕逢仙吏虛懷對野翁不知千里外今  
雨可能同

月夜將泊嘉魚簡周全溪

曉發瀟湘野夕望嘉魚村孤槎坐明月小杓引  
清尊寒入遙岑碧光搖近渚繁楚詞歌正歇相  
憶在衡門

和覃湖遊麻姑丹霞

塵土夢中夢丹霞方外方十年愁鶴老千尺憶  
松長客賦傳來美春光有底忙幽尋還欲到玄  
酒共徜徉

送金將軍



雨餘江路淨風細驛樓清柳眼窺人暗葵心向日明歌長聽似鳳酒蒲吸如鯨共羨王門使輕舟萬里行

謝林東曹

使節臨春渚芳尊移畫船爲嗟前日事兼訊遠遊篇冰玉真堪近風翰信欲旋因君懷舊署正賴爾多賢

自夔出峽用少陵韻

春曉度瞿峽長風生海隅霓旌明閃爍山鬼暗噦吁險畏堆浮馬輕憐浪逐鳧霧消收翠幔漲落疊青膚猱獾朝垂飲蛟龍夜吐珠丹崖千尺裂鍊柱百尋枯詞客家何在陽臺夢我無楚童元可狎巴曲自相娛試聽鮫人織猶疑橘叟輪天光來谷口壁色亂雲衢舟子情牽越村僮貌類胡曝龜欣棄背沈鴨渺忘軀鶴舞聲交和魚潛沫响濡斲花行不礙嶂月坐還須豆隴貧兒斲鹽煙衆賈趨黃陵降巨浸古廟枕寒蕪突兀峰巒過驚奔噴漩紆有時斂衣衽盡日啓窗樞



欲剪縈谿蔓因尋出澗蒲羹調芹最滑飯煮芋  
仍烏掩映方餘照微明又向脯巢居臨絕巘語  
笑近清都詎信桃源杳虛傳蓬島孤履危心亦  
怯覽勝病全蘇逸興徒飛動生涯良獨愚頑陰  
偏惱物細雨且煨爐酒力微能助詩神敢厚誣  
喧呼辭遠塞恍惚失迷途疏鑿思前聖遨遊愧  
昔儒飄飄掛雙席冉冉下平湖極北重郵隔荆  
南一水逾不緣經狹隘那識有寰區未買雲卿  
履將陳鄭老圖狂飈撼枯木甘露綴高梧到處  
驚臬喙憑誰借鹿盧蒼穹回斗柄雷電洗泥塗  
宰執聲華重將軍禮遇殊發機宜省括過隙少  
停駒朱紱聊相曳移文早已呼羣英連茹拔昌  
運得賢扶丘壑從吾好荒糝課僕誅終期旋羽  
翼永願謝崎嶇

中秋遊白鹿洞二首

勝地嘉辰爲客謀披雲尋壑紀新遊宗賢廟在  
諸生寂獨對亭虛五老愁洗爵倚松聽白鹿濯  
纓呼月枕迴流人傳絕頂泉三疊洒玉琅琅爽



氣浮

我來廬山山雨懸白鹿不鳴何處眠圖書散逸  
苦兵燹木石陰森經歲年新題嵌壁紛古刻涼  
月墮影驚秋蟬幽人移情寄曠奧几杖何得陪  
周旋

遊玉蟾寺

龍嵒賞罷玉蟬來詩爲名山取次裁寶鼎香飄  
千樹杪金鐘聲繞亂雲堆東君勸酒如飛羽童  
子傳杯不落臺預怯馬蹄塵土路盤陀石上且

遲回

元日柬諸友

天上青門元不關青陽冉冉到人間開樽栢葉  
香仍泛隨俗松茵翠且團漢史已傳羞巧宦明  
時莫自笑清閒出門好共採春色誰向春山興  
亦慳

辛卯元日雨作寄肝江張兩山方伯諸公

客裏年光寺裏居野懷無限鬢毛疎杳冥石上  
三生話冷落牀頭一卷書林籟沈沈風定後簷



花細細雨飛初遙憐此日仙城會柏酒松茵還  
憶予

月夜泊黃草峽和杜

黃草峽中船夜歸黃魚嶺上明星稀依沙認水  
識消長縱目看山無是非誰家打麥火照樹有  
翁掘鐵泥沾衣岷峨已近馳青夢白日千重紫  
翠圍

送安松溪謝病歸

凍雲晴樹曉相依誰唱新詞送客歸溪水多時

虛野艇松陰十里護漁磯謫仙祠近登臨便郭  
璞臺荒步蹠稀暫去錦囊添寵色重來青瑣有  
光輝

送滕制使經畧薊門

六月驅車薊門道壯心炯炯動雙旌便宜幾見  
屯田策精銳空傳細柳營萬里堯封元自固一  
隅胡騎敢橫行關山何日休兵革父老年年只  
餉耕

送徐東巖諫禮罷歸



端笏驚看柱下史，挂冠無愧葛天民。百年禮樂  
嘉謨在萬里，舟航野服新。錦水春來添浩蕩，峨  
眉秋入倍嶙峋。楓宸早晚詢遺直，莫向清時誇  
隱淪。

次韻答西山之約

塵埃顧影徒相憐，出郭猶如蛻骨仙。宵來一枕  
馳清夢，山中萬疊多芳煙。麗曲祇隨黃鳥弄清  
樽，尤愛碧筒傳。還聞上下華嚴洞，寥濶清虛別  
有天。

山行漫興

春寒多雨雨初晴，風暖泥乾傍午行。偶見隴耕  
思冀缺，時從賣卜問君平。高林恰恰鶯聲轉，近  
路依依柳眼明。淑氣薰人渾似醉，不須沽酒酌  
深觥。

長至偶和杜

至日朝暎映竹牀，琴書清潤自成行。閉門瓦鼎  
浮寒篆，出戶梅花遞暗香。萬國再逢堯甲子，野  
雲何補舜衣裳。舉杯正愛波光綠，迎日初看日



畧長

登峨山

停車夜宿白水寺策杖曉登峨眉山顧瞻已覺  
三川小森爽仍驚六月寒日射崑珠光的爍霧  
開林鳥語間關塵緣何得真如蛻萬玉叢中住  
不還

過村居

迢迢山路自縈紆藹藹村居映綠蕪累石激流  
成水碾編籬就樹作門樞隴頭向夕牛羊下池

內分羣鷺鴨呼仁里生涯元自好有何榮辱攪  
桑榆

元宵江行

客路八千多水路春宵九十此元宵雪花飄酒  
添寒栗雲絮參差礙沈寥豈有鼈燈當席照只  
看漁火入波搖夜深自咏滄洲引野鶴翩翩似  
見邀

兩溪卷

何人結屋兩溪頭見說幽栖事事幽棹入深青



同野老坐分餘白許沙鷗眼中物理從容得海  
 內名詩次第收偶憶岑參多藻思解言溪合水  
 重流

中秋辱諸公見過行窩待月不出

秋堂燕集興何長貪賞中秋坐晚涼湛露清觥  
 飛促席西風黃葉繞回廊非關明月無團影爲  
 恐遊人思故鄉童子留賓歌正發寧妨秉燭醉  
 相將

避暑玄妙觀同兩山白窗一首

玄都高閣得秋先始信人間別有天雪洞風來  
 聲撼歷石闌雲起勢連延飲如河朔渾忘醉奕  
 似柯山不記年欲去更留青竹塢月中吟弄紫  
 簫篇

席上偕以道用聯句韻送安松溪

夜堂尊酒坐深更脉脉新愁醉裏生世事驚波  
 隨斷梗臣心無路請長纓雲霄接武慚王貢風  
 雨連牀似弟兄明日片帆移別浦夢回征雁聽  
 潮聲



雪山春暮有約遊溪南村塢者

出門爛熳尋春色春在溪南第幾村村外鳥啼  
花正落溪中魚躍水初渾坐憐野席鋪松葉飲  
愛山杯捧竹根偶得浮生如此日俄然欲辨已  
忘言

別峨

登山屐若催下山步如蹇橫道竹枝垂畱人營  
語囀

過涪謁程伊川祠二首

殿上罷說書江邊得注易至今北巖居餘光照  
青壁

鳥聲靜林扃巖花明近渚遙想蜀山人當時共  
公語

題升菴扇

清江白月映浮槎釣得魚來付酒家半醉半醒  
吹鐺笛滄浪一曲遶蘆花

入巫山

路入巫山翠欲封青天削出萬芙蓉舟人只記



陽臺夢指點嬋娟十二峰

晚過西山

皓月遲遲度遠林  
光華冉冉浸寒襟  
野僧邀入雲邊寺  
卧聽流泉響玉琴

入岷山至青城聞洞中有異人

丹崖青壁鎖煙霞  
物外生涯定幾家  
何日塵緣是消歇  
重來此地問梅花

題鄒鶴巢小畫和韻

野水蕭蕭明落霞  
草蟲飛趁月初芽  
最憐荷盡

餘霜葉點染秋容勝早花

南洲歌三疊

南洲春早江籬生  
南洲日長沙鳥鳴  
郎君莫向東湖去  
不似南洲煙水平

十洲何處話空勞  
一望南洲路不遙  
蘿壁葯房清夢熟  
數聲漁笛落風潮

遊中方寺和兩山

禪房小榻抱雲眠  
銅烏氤氳素煙夢  
入岷峨山色好  
春深洞口碧蘿懸



石倉十二代詩選集蘇繼明三集卷之八終

石倉十二代詩選

蘇繼明三集

卷之八

終

石倉十二代詩選

蘇繼明三集卷之九

八厓集

大明

華容周廷用著  
後學曹學佺閱

龍里道中

積慮掉塵鞅含情歷山阿翳蒼噴華薄陵岨環  
陂陀孤獸隱嵐霧驚磨迹虞羅山色凝紫翠泉  
溜湛清華恠石蹲虎豹曲徑盤龍蛇僕夫足力  
煩喘汗勞經過觀風罕所見矚目傷沈痾職業  
既弗任巡察將如何冀願仁風至枯朽生生多



歷代詩選 明倫彙編  
瑣屑事文憲無乃戕天和

閒詠

寂寂抱空虛暇日阻游豫散帙散餘清沉瑟銷  
遺慮纖榮吐芳辰弱華裒清曙丹葩曜春曦白  
楊號日暮層空蒼歸雲脩岑曖行霧引領洞庭  
涯徘徊不能去借問此何爲嬰以世網故柱下  
徒栖栖功業未由樹悵哉攬轡途漠爾埋輪路  
休澣循予躬且誦閒居賦

寄工部伍思謹正郎見寓岳州督木

往歲客行邁弭棹城陵渚與子邂逅逢日夕竟  
晤語朝覽岳陽樓夕瞰君山澗綢繆不忍去欸  
睇情無已無已心悄勞佇檝臨江臬執手聊數  
言傾蓋在一朝凱風揚微旆旅思何搖搖若停  
荆臺駕我揚蠻絡鑣揚鑣越萬里二載彌年紀  
薄游嘆睽離遙懷傷覩縷繁翰渺鴻軒佳人隔  
蘭沚耿默夢寐遊掩曖風塵滯風塵日悠悠扶  
光忽我道豈不念友朋王事益淹留湘江蕙草  
馥洞庭桂枝樛何當共攀掇并坐聆清謳



春日卽事

芳春倦遊目時鳥下高林  
嚶鳴弄和響喑喑傳好音  
願得閑游衍策杖一追尋  
羈棲不能去佇立傷我心  
丘中盛結構白雲橫古今

其二

獨坐春堂上誰可與言者  
綠草繁高山日暮牛羊下  
鮮雲抱石生乳竇綠厓瀉  
條風駘蕩來陳根咸有假  
淑景正明熙遐睠聊瀟灑

夏夜

月出照綺窗星羅浮阿閣  
羣囂寂以靜涼風動織葛  
沈思坐幽窗轉盼傷遼索  
驚鴻響水濱悲欲嗥林壑  
濛濛泉溜鳴黯黯陰雲合  
閣閣喧池蛙淒淒唳江鶴  
側聽增悲辛還視盈喧濁  
遙夕坐含情中心竟何樂

平越夜坐

寂歷坐虛室萬籟息以收  
竒葩玉露浥素葉金螢流  
我行良三月感感傷遠游  
遠游心歷亂奔波苦淹留  
休沐返行署將上西南州  
王事被我



身曠放難自由故鄉日已遠遊子日以憂緇塵  
爲我染浮光爲我適安得瓊瑤草以解饑渴愁  
撫衿成獨詠氣結不能謳

晚適

行客惜流景落日留餘輝王事嬰我身怵惕安  
敢違勅躬會有役其能達機微迷鳥失故侶翩  
翩傍我飛豈曰無中路故鄉當念歸黃鵠摩蒼  
穹霄漢將焉依我行曠歲月私心念重闌撫几  
情彌眷誰能測所非

池上晚坐

皎鏡淨方塘月波涵一碧漱灑照脩篁風聲鳴  
瑟瑟愛此澹忘歸呼童卷湘帙清籟動我衣微  
露潤我幘繁星燦以羅羣囂靜復寂冲曠得所  
怡稅駕將何適

懷友人

江山千里閔彌歲阻佳期佳期日已遠望望紆  
悲思羽翮弗我長道廣將焉之桂枝蟠嘉樹芳  
訊若在茲冲想眷遙夕晤言當何時夢中空失



路覺後涕承頤

懷二子槐栗

羈客滯蠻荒愛子居鄉縣彌年不相親音形  
難見緬想膝下儀豫章氣已銜大者或知書  
小者或識練翁姑日抱持恩情自迷戀  
逝哉父子情婉孌涕如霰祖德亮未衰  
南山看豹變

寄內

與爾為婚姻弱植多屯蹇耕饁早治生  
菁華豈云晚奉身千里役遙遙日隔遠  
耿邈三年期園

田尚未返慘悽啓幽思朝夕忘殮飯  
惻惻不能安款言誰與勉寒鷄吹長音  
我情良展轉譬如池中蓮苦心葉常卷

其二

結髮罹單寒中年荷微祿離別恒苦多  
孑然傷乳獨聚居怨頗多遠別會亦足  
流光日漸移沈思結衷曲局塗歷險艱  
驚輒赴長陸良夜視三星對此空躑躅  
鶴鶴鳴幽林風飈響深谷一日九迴思  
寸心千轉轂悠悠百年期雙美應難數







歷代詩選 明倫八庫 七  
巍巍極目杳無際令我心顏衰撫膺再三嘆此  
愁當訴誰

立秋

蓐收啓秋至金商蕩雲高山川變時序孤客奏  
長謠銀床墮梧井火曜流層霄清聲入夜響  
撼撼振林條松筠堅晚操蒲柳望風凋季鷹感蓐  
鱸解組辭中朝澹乎至人念冥契誰云遙

其二

天時變物態人事感年華商飈入林樾庭樹無  
寧柯啼蜚激哀響迴房繞曲阿芙蓉寨木末呈  
彩發丹葩澤蘭塗白露渚蓮碎紅霞寒潭靜黃  
潦水壺湛清波悠悠志士心慷慨何其多

夏日晴眺

積雨滯陰霾天霽縱閒眺爽籟入雲林清颺灑  
炎微文虹鏡清溪緝霞施層嶠睥睨淨芳塵杲  
恩蓄清照尺波激寒冷隙駟奔靈曜鳥雀下頽  
垣牛羊上奔峭芙蓉挹清流采菱歌絕妙梗楠  
藉植榦芻薪助焚燎步簷極遐矚開顏發微笑



彌歲其栖遲積德苦未劭末世徵先達異代本  
同調寧戚飯肥牛呂望把長釣伊尹負鼎俎方  
朔待典詔梅福竟高蹈孫登付長嘯勗哉美前  
躅無令後世誚咄彼匪德徒何爲據津要天閭  
從此開或可排雲叫

翫月學鮑照

纖纖上東岫池塘散紈素宛宛照西林戶牖凝  
寒金寒金襲重帷紈素瑩絺衣柔祇耀一色千  
里同光輝山河影共瀉衡漢照常依清商灝氣

爽金莖玉露微旅客悲蹉跎舉首問嫦娥何如  
叛夫壻千載守空柯開罇酌綠醕搦管成商歌  
酒醕氣益振褰裳望銀河母爲煩所思良夜歡  
情多

秋夜

暮收却炎暑金商扇涼期清波澄素鏡玉露浮  
網絲荒庭綠草滿幽逕碧苔滋憂人抱羈慮感  
物懷所思起坐不寧處閒庭步履綦仰瞻天漢  
遠遷立登危基美人隔千里望望傷心時



其二

東南限華裔峻峭山河深盤石據萬仞流泉響  
千尋晨昏翳日月煙霧霾長林猿猱嗥且聒鶴  
鶴悲復吟我來淹時序荏苒傷中心驅車上長  
坂捉轡下飛岑壯懷凌巖窠浩思摧嶽嶮中夜  
忽成嘆著此示來今

其三

簾櫳逗清爽書幌歛微陰喟哉蜻蛚韻幽思一  
何深披衣拓遙戶明月上東岑棲雲歛幽岫流

潦結餘霖有鳥下東廂向予一悲吟清聲生感  
激浩思忽蕭森土風非所適南冠有遺音倬彼  
千年事因之傷我心饑雌感舊侶翩翩日浮沈  
安得南飛鴈爲我翔前林

遊天台山桂嶺

天台實嘉境峻峭連羣山崩槎擁石徑懸泉注  
深湍斷崖駭勃敵絕壁危躋攀仙洞耿闕寂天  
路邈險艱遂登八桂嶺四顧羅峰巒皚皚霜雪  
積颯颯陰風寒坐冒垂堂誠翻移人子嘆莫盡



好奇興安知行路難且申叱馭意躡步陵嶺  
因風振羽翰宛在青雲端

龍潭

高峰矗太虛深潭下無底百丈瀉漣漪千仞注  
清泚曉映朝日暎夕沒陰霧起下有蛟龍潛白  
日行王鮪傾耳莽風雷側聽鼯豺兕噴薄崑崙  
墟簌蕩滄溟水遊客暫窺臨歸期昧行止眇邈  
無端倪變幻多奇詭滄浪固濯纓箕穎聊洗耳  
溼潤報嘉年和惠屬仁里地德諒無騫仙靈應

擅美

石梁

山嶠縈威紆石梁莽迴互曇華漾瑤溪祗林挺  
珠樹躡踞偃宛虹噴薄垂陰霧天巧象人爲靈  
秘洩神姬雲瀑洞層崖石壁注聿澍滌雨聲錚  
鏦晨飈勢馳驚龍彩煥歲蕤組練昭文素朝聞  
猿鶴鳴夜聽麇麋聚玲瓏發地奇迢迢蘊天趣  
佇立駭所觀愕眙不能度幸此物外遊冀與神  
人遇五秀終未攀三芝竟誰茹微茫遡銀河



髡聆韶護畢娶當何時稅駕同遲暮

京歸途滯呈顧僕君東橋

我行當夏初夏盡尚留滯揚舲顧有期蓄軫嗟  
難逝柰此亢陽灾偶與脩途值含情踴焦原引  
領盼甘澍

其二

此離感歲月紆軫疑幽情蘊隆炎熇熾浩渺陰  
霧生局塗靡投足大道無由經憫憫卽長夜寢  
典何時寧

其三

耿耿悲長途侘保罹溽暑食荼苦自甘握麻欲  
誰語感感復躊躇望望空延佇嗟哉行路難悲  
此故鄉阻

其四

氛陰屯廣野霖霖灑平原枯芟集墳壟傾穉卧  
田園豐隆鴛雨澤川后靜波源膠舟不能濟駐  
檝空煩寃

其五



河水絕涓滴黃埃擁飛流迤靡結愁思曠望空  
嗟尤家慶日綿邈王事歲紛紜安得瓊瑤草以  
解饑渴愁

控海樓

樓觀俯滄溟傑構雄天峙清霧霽三山沆瀣縈  
千里風迴白鷺濤日轉扶桑汜清眺極遐觀沈  
冥通別里神仙渺何若下睇難爲水

凌霄臺

巒巒鬱森翠石路莽迴互天外直金莖林端流  
彩霧空曲迴高臺盤旋折脩步瀚海盪飛雲高  
山洞靈煦徙倚倦冥搜鑒賞誰云屢

驅車

驅車出東郭遙望北芒陬北芒何闕寂高墳鬱  
離婁挺隅帶荆棘白日鳴鴝鷄不見舊碑碣但  
覩新松楸城中靄華屋冠蓋羅王侯歌鐘喧鼎  
食羅綺明莊馗爲歡竟日夕此志將無休微軀  
靡金石焉能保千秋

其二



芳年難再得榮名不可期  
俛仰居人世落落當何爲  
願得展勲業竹帛垂光儀  
鄙志竟淪沒握瑜困茅茨  
流光急西逝奄忽秋草衰  
孔公有遺訓無聞良足嗤  
豈不愛樹立才力僅如斯  
恪遵老氏教空谷長守雌

遊泉州清源南臺

攀松陟蛻岩仄徑逶行邁  
積礫擁崩槎清泉瀉岩瀨  
藤蘿雲構垂石室靈關對  
中有一裴仙云是宋年代  
簪花旣瀟灑飲酒匪沈汰  
道以冥寂

趨詮與幽秉會閱世幾歲  
年游神極無外變幻藉精  
靈尸解非茫昧寂歷冰霜  
容晻映蒼林蒼碑版半磨  
滅羽人多倚賴遂登羣峰  
顛瀛壖况清媚抗手謝人  
寰相攜弄雲靄

其二

林密嵐氣霏洞幽日光顯  
蘿霧濕征袍松露潤行憶  
高視薄海垂曠望九州緬  
探討意象雄旁搜目力展  
念彼岩棲人安心石不轉  
風飄女蘿衣電矚青苔卷  
瑤草協幽竒青雲息勞倦  
鴻逝



麗丹霄虬潛媚翠巘理愜情自紆物輕道乃眩  
杳杳若人蹤追攀愈跋蹇探懷寫長謠聊與智  
者辯

夏夜詠懷

時雨洗煩濁凱風噓夕涼高蟾入戶牖華星澹  
無光靜坐寂物役塵慮俱銷忘忽揮瑤琴軫握  
筆奏新章嘆彼行旅苦慨茲歲月長曰予抱幽  
痲沈思浩中腸中宵思厲翮萬里期翱翔

汪白泉太守政暇同石門高子丁戊傅子

遊鼓山以青天白日高山仰止行韻爲

詩詩成請予和予因續貂

鼓山秘靈氣岌業橫滄溟咸池蕩初晰景逼扶  
桑青若華與水碧符彩揚精熒我行聊徙倚如  
從泰華登

其二

茲嶺奠閩服兕兕凌蒼天建標滄海側結根太  
古前中有冥棲士采秀殮雲煙瞥然與之遇授  
我長生篇



其三

燦燦金鵝葢英英雲間白玄蓋引天風靈籟殞  
日夕攀松上丹崖寒蘿坐玄石眷言悟心期遲  
爾延佳客

其四

巖芳敞高峰晴空竚自立緒風散清氛朱華冒  
白日昔有真仙居伐毛鍊玄汁鬱彼蓬萊宮宵  
宵風雲集

其五

重闕莽廻互閭闔丹霄高中有金銀臺三山蟠  
巨鼇仙人遊海上照耀雲霞袍因遇阜鄉侶乘  
桴鼓玄濤

其六

淹留佇日夕延覽窮茲山靈符肇太始佳氣乃  
鬱盤我因啓玄秘躡步青雲闕長嘯殫石髓日  
暮當來還

其七

風吹雲錦裳窈窕丹梯上黃鵠嘯蓬池乘飈肆



歷代詩選 明周八序  
沈澹桂樹挺崇岡歲蕤日以長  
睠茲謝冥筮聊以遂偃仰

其八

春日寡塵務覽觀及茲始采芳  
入雲峰散髮臨溪水天行恣所如  
泉石歷獲止心賞秘天機沈冥得吾理

對竹篇

家有瀟湘洞庭竹畫圖未盡天然巧  
今日虛堂對此君渭川淇澳人間少  
鐘籠百丈龍鳳垂篠

籀千尋煙霧渺我來官居得此堂堂前  
日日聞笙簧會看六月無炎暑玉壺寒  
露清如許

吳山謠

名山高高压吳中參天峙地何龍  
從根連蓬島金銀闕影射扶桑日月宮  
沈澹朝看東海濱西湖晚拭青琉璃  
憑軒指點東南勝浩歌一曲吳趨詞

雜歌

天涯客子往復嘆春草秋花虛爛熳  
眼前富貴



歷代詩選 明周八月 其  
俱時流我獨胡爲空白頭長安紅日渺燕薊薄  
暮不管羈人愁君不見蒼梧白雲野帝王一逝  
空悠悠

其二

美人雲緝芰荷衣夏月披行江水曲流觴笑挹  
芙蓉香嘯歌獨伴漁郎宿白鷗游漾東西浮我  
欲隨之心卽休舉頭黃鵠飛無極藩籬燕雀空  
啾唧

安平鎮

憶昔張湫河水決恠底洪濤恣吞泄空城白晝  
行魚龍九州漕輓歸幽穴居民甚徬徨運道亦  
阻絕 孝皇日夜憂選士盡朝列東山劉公吾  
里人平生體國多經綸銜命出都省辛勤遂忘  
身夢思神禹有所授玉書金簡光嶙峋倉皇卽  
遣黃河使龍門遠探靈源出如山鐵石四方至  
數載巨防成曩負豈如秦人鞭石勞却似蜀國  
驅神治一時盡殺懷襄勢茲方永享安平利行  
人舉手嘆元勳道傍綠柳甘棠比劉公績甫成



謙虛不自恃朝廷使載臨因人遂成事中官立  
豐碑分明照耀穹窿裏憲臣揭巨文茂功自叙  
良無已君不見鄴城謠峴山淚至今獨頌劉夫  
子嗚呼公論當歸史

觀潮歌

錢塘江上潮聲湧橫奔百里雷霆動吁嗟此奇  
詭天地何爲開倒吞日毋捲太白湏臾噴薄金  
銀臺忽焉弭節伍子廟扶桑日黑天吳哀去年  
樓頭停素舸蛟龍魚鼈空中墮今年今日更重

來攬衣獨對青天坐海門月上練痕齊白鷺素  
蛻飛向我龜鼉圻岸胥門折遙看龕赭真如瑛  
寒風吹雪下蓬萊灑然毛骨殊清絕金杯漱灑  
雲霞明青山霹靂芙蓉裂君不見此潮歷萬年  
二儀元氣恒周旋黃河直接崑崙頂瀚海遙通  
星宿源對此不湏苦探索會雖一飲心陶然

懷故鄉山水歌

楚山高楚水清鍾靈孕秘華容城東峰噴岫出  
霄漢渺冥天倪霞色爛我家住在八厓前清沙



錦石照潺湲章臺樹色連雲夢沱水波光繞漢  
川憶初結髮秉微尚抱書構屋蒼崖上窮年學  
道冀脩藏羨藜被褐孤茅傍偶來布衣見天子  
重瞳白日回清光迄今薄宦窮東路回首茫如  
墮煙霧惜別長吟湘女篇愁來只誦高唐賦山  
遙峙水長流我今騁望徒懷憂生神發秀今幾  
秋前有黎公後有劉地靈人傑理則有嶽降生  
申天所優龍峰東山應不朽千古香名滿人口  
後有羣公能繼之英名藉藉皆瓊玖我魯弔古

靈王宮苔堦石徑俱蒙茸離庭別殿渺何所落  
花流水隨東風可憐容華今已矣花封歲歲開  
桃李當年浩蕩五湖船至今人道鷓夷子思山  
水望故丘迢迢之心安可休我今欲放扁舟去  
蝦菜相隨范蠡遊

泉州分司夜坐歌

荔枝梢梢當庭樹風撼枝柯聲晝度鳴雨瀟瀟  
晚更多含棲獨對傷幽素明星爛爛泛河車光  
彩盈盈照碧紗此夜逍遙動春酌與誰同詠刺



桐花

聞笛篇

笛聲細細起空林側聽龍吟水上音折柳隨風  
過隴上落梅帶雪度山陰我聞淒清愴心骨下  
惟不敢彈鳴琴起來試玩閑庭月碧空鴈斷音  
書絕逐臣羈客恐相聞憂端盡向中宵發

楊花篇

憶昔金明池上遊雲間嗟峨十二樓盤龍曲鳳  
青霄裏煙花二月開皇州皇州豪富紛如蟻思

第如山連戚里清曉沈沈魚鑰開千門萬戶歌  
鍾起平明車馬向誰家陌頭楊柳搖春花黃金  
葉白玉葩輕盈飄上九華帳裊娜還遮七寶車  
瑩房錦席流丹雪緹閣瑤臺貯綵霞是時五陵  
意氣盈呼鷹挾彈來芳凋猿肱燕領驅白馬直  
繞楊花緩轡行彎弓共射雲天鳥箭落雙鶴聞  
笑聲馬前擁賀杯仍舉名謳隊隊喧歌舞遊絲  
繞樹合牽情嬌鳥翔花還自伍紛紛落盡撲金  
罍年年一度踏青來雨散星離不終日可憐此



地生塵埃別有青樓連大道弱柳當門環碧草  
朱甍繡戶狹斜通蟬鬢蛾眉人美好誰家浪子  
跨青虬珊瑚寶鏡明吳鉤停鞭繫馬垂楊下踏  
絮來尋賣酒樓當壚對坐人如玉行雲暗度窗  
前曲東園可惜片時春桃李無言枝自綠我今  
對此楊花飛漫天白雪心依依當年豪貴知何  
處此日紅粧與昔違可笑韶華競艷陽流鶯語  
燕慶時芳魯陽豈駐西烏影后昇難摧東海桑  
蹉跎江海嗟年月鏡中不覺生華髮上書北闕

已無憑東山合去餐薇蕨八厓聞頭楊柳行花  
開歲歲蒲園香祇今花謝隨流水不得相隨醉  
一觴花亦開有時春光殊未極感時爲賦楊花  
篇坐對雲山空嘆息

春日行

荔枝搖青龍眼綠麥芒如雲蒲平陸鳴鳩拂羽  
戴勝飛秧針刺水平湖曲雉雉草下日頻來雙  
角曉曉眼若猜虞人已列置學去勸爾深藏休  
逐媒



其二

春光澹沲日色暖鶯燕交交莎草短陌頭楊柳  
態輕盈金縷搖搖傳玉腕誰家少婦着流黃手  
攜瑤琴坐中堂不言不語彈一曲彈作羅敷陌  
上桑

悲歌行

男兒生非奇特枉悲叱龜龍蝦蟇本異質揚雄  
曉事獨草玄自殺天祿何輕率惟哉伯松真菲  
才牛場鼠坻空喧豕至今詞藻播金匱五色燦

爛雲霞開我今一藝全不解竊祿殊忘知足戒  
何日衡門早閉關問奇再著蟲魚懽

題飛來峰石

誰人鑿開混沌竅剖出巨靈光照耀熒霞盪日  
流雲燴玲瓏拔出三山嶠主人置向青桂叢瑤  
花婀娜明孤峭傳道支機河漢陰紫皇玉女同  
歡笑何日重停博望槎再向君平咨卦兆

觀射歌

王君猿臂驍且雄手挽五尺高麗弓虹光迸裂



青石鏃猛氣似欲凌蒼穹酒酣裹肘垂楊下談  
笑翩翩來步射控弦豈止百斛力彎弧解使千  
年柘霜鵬白日盤秋雲側身仰視開其羣須臾  
軍吏忽仰賀五色離披笑語聞壯哉王君好身  
手幽弁健兒亦何有左揮右霍神益揚獵獵風  
生青兕吼方今四海雖攸同虜營白晝吹狼烽  
朝廷出師擁大纛歸來連璽昭勲庸更有珥貂  
食千邑高馬緋衣金滿室天生王君乃丈夫何  
不畱之西擊胡

題雲石圖爲王汝相茂才

何人畫此雲石圖峰巒峭拔山之隅元氣淋漓  
墨黑色林木倒影猿狖呼長風晝撼孤光動層  
崖暗濕晴嵐重座上頻看空翠來簷前時聽清  
商弄山間誰葺白茅居屋裏幽人真自如手持  
瑤草擊白石日與山雲同卷舒卷舒復舒卷興  
閑心自展花香晴散芰荷清竹色秋分泉石遠  
結構由來世所竒採芝拾髓當何時洞深或有  
蛟龍蟄地秘寧無鸞鶴隨開圖攬筆情舒慢坐



歷代詩選 明周八風  
三  
一  
玩天真思無限安得攜樽對此雲與爾同歌白  
石爛

長歌行

憶昔揚睂入金闕赤墀青瑣連芳陌繡袍霜簡  
立螭頭鷲鳥人間徒累百清晨上殿覲龍顏封  
章遙下紫宸間花裏晝從仙仗出雲邊時擁錦  
鑣還南陞遠使持風采金節煌煌羅翠蓋銅鑲  
椎髻盡來迎夷官喘喙皆遮拜一旦那知骨相  
迤遂令蹤跡淪風塵雲泥迥隔承明地芹曝真

同在野臣本期白璧齊明月豈料蒼蠅翻點缺  
下和徒泣楚王宮鄒陽再仕梁王國自言時命  
本由天滿眼親知不見憐主父何慙五鼎貴左  
儒真負一言賢尋知公論徒爲爾只有丹心對  
明主赤霄黃鵠任遨遊笑殺人間爭腐鼠

雪霽夜集邢孔江宅

瑤光開霽色玉漏自天聞羽帳寒霜月龍宮濕  
夜雲飛蓬憐共轉末路惜頻分萬里賓鴻度嗷  
嗷戀故羣



歷代詩選 明周八厚  
顏惟喬補許州席上有贈

一麾才出守之子大夫身社稷憂明主江湖嘆  
遠臣路經梁苑雪旌引漢宮春去矣辭金馬英  
名滿縉紳

齋居

稅駕城闈館齋居坐夜分青梧棲凍色瑤草夢  
春分靈時羅朱宿清汾護綵雲明晨翠華到扈  
蹕九天聞

飲羅訓導宅

節駐東川宅觴行北海樽鮮飈生廣座朗月照  
華軒花逐投壺落禽隨散步喧歸途忘酪酏飛  
蓋出詞因

出塘驛中獨坐

千里嗟行役窮途與孰論白雲還故里明月但  
荒村山天風微冷谿深日早昏閉門成獨坐何  
處覓琴樽

得夏公謹來柬并詩喜次

我亦奔南使君先下北扉天涯為客久海內故



人稀莫問周南滯  
還經楚地歸秋風  
過錦里春色上斑衣

晚適

塵轡衝宵稅琴書列坐橫  
清氛行處潤積思坐  
來生尊味悲張翰芳怨屈平  
江湖紛釣餌何處可遺情

三月三日閒詠

坐惜芳菲節邊方剩有春  
靈槎思上漢敝服竟忘秦  
桃李容光盛風塵物色新  
所嗟夷夏別蠻

語不同人

新添道中

振策遵山路春光馬首微  
水湔山骨瘦草茁燒痕肥  
日漾行驄色風傳擊鶻威  
翩翩雲外鳥羨爾向南飛

過倒馬坡

未識埋輪路重經倒馬坡  
赤霄開棧道白日蔽雲羅  
古磧羊腸遶飛泉鳥背過  
張生銘劍閣千古仰嗟峨



山行遇雨

成裝當曉發宿靄瞽穹天野蕨含煙長山桃帶  
雨然清圃江色淡秀拔嶺頭圓試望前溪路羊  
腸石棧懸

其二

不斷飛絲雨微茫濕錦韉隨風飄麥浪逐水泛  
榆錢磧礫羅天外嵯岬墮馬前竒遊真愧我促  
轡仰英賢

雜興

中天舒麗日幽谷振條風萬里丹山鳳孤棲碧  
玉桐羽毛凌雪際音響入雲中離礎高岡上瞻  
途嘆未窮

夏初雨霽

一雨淨遙天新晴更可憐煙薰黃犢壟水溢綠  
苗田泥淖埋幽徑溪鳴涌伏泉農人欣有事簞  
笠聚紛然

述懷

簪筆辭華陞驅車向絕邊瘴霍炎暑地風雨犬



羊天問俗慚無化從風合有仙征裘今易葛歲  
月使人憐

其二

疊嶺遙相峙終朝煙霧昏崖傾斜倚樹石立近  
當門有賊千山箐無家幾處村荒原新舊鬼白  
骨至今存

鎮遠觀漲

水勢連山白嵐光帶雨青龍堆晨起沒鶴夢夜  
來醒伏浪浮雲閣流波上草亭人生無住着泛

泛此浮萍

其二

沸浪傾天未狂瀾澁石灘奔騰千嶂合噴薄五  
溪寒過客招船度行人立馬看滔滔晨不已泯  
泯日將闌

其三

側耳翻高浪擡頭沒遠沙山巔懸浴鷺樹杪動  
歸鴉鄰屋泥墻墮江村草樹斜銀河下平地思  
欲泛仙槎



詠松

五松誰手植亭下儼成行  
苓結神仙藥枝含御  
史霜蒼龍鱗甲見玄鶴  
羽毛長知爾千年噐真  
心抱棟梁

其二

屈曲蚶虬態離竒鬼物身  
靈光通晚景神采照  
芳春結侶依脩竹齊名並  
大椿許身堅白璧敢  
自澆清塵

會稽有感

古越緣名地山川勝往時  
疏峰長競秀環鼻亦  
爭竒草翳秦王石雲深大  
禹祠停舟一悵望今  
昔使人悲

送別駕李川甫入簾秋試

聖代希麟鳳秋郊正網羅  
文章歸藻鑑勲業重  
賢科霄漢奎星見東南  
竹箭多春風桃李盛爭  
聽越人歌

天姥寺

古寺名天姥玄冬試一登  
松風清萬壑石溜瀉



歷代詩選  
卷八  
層砒日影青蓮座珠輝寶樹燈仙源應不遠徒  
翻欲騫騰

過麻嶼嶼

峻嶺名麻嶼飛飛細雨過斷崖羅石磧缺岸補  
藤蘿雲逕樵仍往風林鳥自歌未須悲隴阪愁  
髮已成皤

昔年三月出巡台州過桑洲驛山茶二株盛開  
予作一詩以紀十二月重臨花復開盛  
有感復作

三月桑洲驛山茶開已殘玄冬駐征騎紫萼滿  
朱欄把燭香空豔移床色轉丹坐來悲歲月對  
汝強顏看

宿桑洲驛

驛舍聊停馭孤懷未有涯霜前凋石菊雪裏綻  
山茶對月情殊感觀風與頗賒重來嗟老大奔  
走損年華

劍池

寶劍歸何處空山尚有池虹光迷日月龍氣隱



雄雌飛景干時命精靈護霸基吳王藏玉地銀  
海事堪疑

焦山

水國周千里江心山獨幽波光搖佛頂殿影過  
中流清梵潛龍得遺銘瘞鶴留隱君歸海島玄  
墨秘丹丘

沛縣途中雜詠

東風吹綵鷁野泊獨遲迴莽莽孤城閣蕭蕭古  
戍摧夕陽邀鳥下春水度雲來浩浩情無極風

摩帳未開

其二

漠漠沙原靜民居寄此鄉矮簷茅蓋屋窄室土  
爲床吠犬驚清晝饑鳥啁夕陽村翁無一事曝  
背向東墻

其三

漢主歌風地蕭蕭草樹紛雄辭昭日月猛士失  
風雲月冷粉榆社苔行麋鹿羣市朝今幾變孽  
涕對斜曛



暮春

旅食當春暮傷心野思孤風花依水鳥江柳菽  
檣烏齒髮嗟年減功名愧後圖白鷗真自在愛  
爾伴吾鱸

次富坑驛

無程來遠道薄暮過林丘野渡泊漁艇夕陽明  
水樓清風到面好白月映空浮夜靜團杯笋妻  
孥共散愁

野水

野水平於席無風舟自行鶯飛脩竹動魚躍細  
濤生素壁雲光薄青林雨意明白鷗真浩蕩將  
汝結深盟

保寧錦屏山覽杜子美闌風亭故址

窈窕攢峰下青天立錦屏緬懷杜陵老獨上闌  
風亭詩與山爭勝人因地亦靈丹梯凌絕頂吁  
駭仰天庭

寄淺溪顏惟喬

吾楚多佳士如君更絕倫可憐清廟噐長作碧



山人驥足應難展龍姿豈易馴我生真濩落爲爾特情親

送孫世其復陝西

漢寢唐陵錦繡中西秦形勢古今雄雲邊大路連潼水天外終南倚華峰出使謾誇蘇武節壯遊誰繼馬遷風關前遙指甘州路腸斷當年謫戍翁

送侯簡校之任

錦江千里接荆湍此去無歌蜀道難路入黃牛

通鳥嶼舟迴白馬上魚灘天依南斗層城迥月傍東堂幕府寒回首看雲遙憶弟燕臺春草正漫漫

月夜舟中

千里華輶行月夜三更疊鼓下寒潭悠悠萍梗嗟王事寂寂星燈照客談腸斷風塵燕塞北心迴桑梓楚天南躊躇忝竊清時署慚愧空承白筆簪

重安觀夏桂州見懷之作因次韻



歷代詩選 明周 八 月  
月夜長安憶共憐秋風重上李膺船金函遠下  
蠻庭詔錦纜遙牽楚澤煙司馬文章新諭蜀伏  
波銅柱舊留邊相思此夜知何在悵望雲山萬  
里前  
東坡寺次韻  
峒堯古刹見山中  
惟石支撐上碧穹  
樹覆多羅  
兜率界泉流水月蕊珠宮  
停鑣上客閒題竹披  
衲高僧老種松  
聞道塵緣超上乘  
金沙晚艇可  
相通

遊鎮江寺

傍巖誰結青蓮宇古貌蒼然照碧苔  
佛頂寶珠明日月江心  
慈石吼風雷輕舸謾訝浮盃度  
不徑那堪結駟來  
欲向四禪叅往事却慚身世繫  
浮埃

梅嶺關

梅嶺關前緩轡行  
青山雨過正分明  
垂藤暗接溪橋斷  
積溜清分野壑傾  
叱馭獨憐馳坂客  
請纓真羨棄繻生  
薄遊此日乘高興  
謾道觀風不



盡情

五月十五夜對月

碧霄月色自年年今見離家十度圓良夜獨憐  
羣籟寂流光翻訝尺波旋蕭條鄉國遠千里浩  
蕩風塵滯一天此夜鑿與幸何處曼姬野調合  
悽然

和凌谿七夕之作

天上良宵當七夕人間樂事說相知嬌癡獨戀  
蜘蛛巧茫昧爭看烏鵲期碧水迢迢迷舊路白

榆歷歷長新枝歡娛未畢天開曙泣展鸞軫話  
別離

見梅

去年按節看梅發此日行邊又見之風骨不移  
還舊質苦蕾如綴弄新姿姑山有夢思瓊樹隴  
水無媒寄玉枝遙想洞庭春色早傍崖臨壑盡  
歲蕤

春雪

卧聽虎牕折竹聲曉來飛絮正崢嶸煙雲匝地



歷代詩選 明周八月 三五  
迷歸路花萼迎春接遠城堙戶已開知復閉來  
牟新長壓還生夜來獨擁青綾被苦覺思鄉夢  
不成

次張黃門韻

紉蘭獨愛出風塵不分當年桃李新梁國一書  
今見子楚庭三刖更何人長沙路杳思宣室潮  
海雲橫隔遠秦莫似古人嗟去國屈騷瀧吏苦  
勞神

喜胡道長將至

九峰持節已臨邊周子將歸飭舊羈秋月况今  
當十五王程何止去三千故人舊已盟心契今  
雨何妨話宿緣謏薄未能宣上力西南何幸得  
君賢

道中秋熱

殘暑薰人風不涼征途無計避炎荒山須挾子  
綠崖嘯野葛開花帶雨香候吏郵亭傳茗盃僕  
夫溪礪飲寒漿西遊我亦凌窮髮笑殺相如滯  
遠方



襄陽懷古

百雉嚴城倚石危江邊宛轡起遐思  
 長如此前輩風流不見之斷蘚晝封羊祜石荒  
 苔春滿習家池專城太守須民牧莫謾沈碑起  
 後疑

次賈光祿郊祀韻

閣道遙遙翠輦回郊壇隱隱肅璇臺禮陳天地  
 分靈時春育陽和到草萊隔歲儀文應感格新  
 年犧象或重來侍臣亦有顏光祿不數班揚騁

俊才

出京呈諸鄉里

京洛風塵解故羈都門重餞幾相知眼看陌柳  
 腸空斷心繫塲苗願已遲華髮可憐初變鬢素  
 衣無柰却成緇長途歲歲虛奔走未信終南有  
 路岐

天竺

天竺先生邀我來清池白石定塵埃松回九里  
 天風爽雲歛雙峰霽景開法象晝懸飛錫地鉢



歷代詩選 明周八月  
龍時繞雨花臺貪看寶樹天將暮何處高僧載  
鶴回

靈隱寺

東來天竺通靈隱寺外諸峰亦太奇乳柱雲牙  
撐古洞竒花錦石照清池鳴騶忽下巢松鶴入  
院驚看獻果麋謾道金沙能脫徒眼中八解有  
誰知

白嶠

白嶠青山紫翠圍曉煙斜日轉霏微雲隨去鳥

無心度花骨游絲作意飛謾道崔綰官不遇獨  
憐尚子志多違瀟湘咫尺蒼梧路知是何年謁  
帝歸

靈風洞

古洞寒雲濕不流暉暉斜日照丹丘山棲瑤草  
留朱夏穴轉靈風逼素秋羽客靜依泉石伴壺  
人清與鶴猿傳薄遊此日乘高興何處深藏夜  
壑舟

禹廟



臺殿沈沈灌木新  
 塗山千古亦嶙峋  
 鬼神夜守金書穴  
 風雨時來玉帛臣  
 啓母精靈應化石  
 防風遺骨久飛塵  
 聖朝具禮崇禋祀  
 歲歲分官薦綠蘋

攢宮

宋家陵墓滿空山  
 北望嵩丘路險艱  
 一代龍蛇逢末運  
 百年鳧雁出塵寰  
 空聞玉柳金城返  
 不見旌旗瀚海還  
 無限鼎湖湘水怨  
 白雲班竹淚潺潺

宿接台寺

歲暮天涯嘆遠征  
 明星猶傍翠微行  
 平生叱馭者何意  
 此日攀山我更情  
 旌旆飛揚孤寺泊  
 袈裟掩映一僧迎  
 明朝我欲尋仙境  
 金闕銀臺路杳冥

至日有感

曾隨先帝引朝儀  
 紫閣瓊樓路透迤  
 辨色旌旗森玉殿  
 明星鵷鷺下丹墀  
 茲辰引領瞻辰極  
 到處傷心仰聖慈  
 直北浮雲空掩靄  
 孤城斜日不



勝悲

寧海道中

海上雲遮嶺嶠橫  
 我來既雨得新晴  
 重巖日出芙蓉麗  
 籠竹煙消鳳羽明  
 沙汭蜃文開錦色  
 溪橋禽語帶幽聲  
 天涯故國催時暮  
 白鴈玄猿感慨生

過鑑湖

明湖一鏡秋雲光  
 荷花五月生微涼  
 惟爾謾停朱雀舫  
 與誰同剪碧霞裳  
 四明狂客今千載  
 一

曲清流自故鄉  
 無限往來垂釣者  
 扁舟應許聽滄浪

讀李川甫明州歌雪竇諸作聊以寄意

洛陽才子李明州  
 為政風流百不憂  
 雪竇興來飛鳥鳥  
 鑑湖吟動上蓮舟  
 匣琴自在隨流水  
 樽酒何孤對白鷗  
 稍待春風花日麗  
 與君同賦碧山遊

除夕

芳夜堂開燼霰生  
 天涯兒女總歡情  
 樓邊獨對



杯盤慘老大徒悲歲月驚人檻酒傾當夜盡臨  
堦花發隔年榮故鄉回首親闈杳却向東風淚  
滿纓

宿金山寺

遠樹微茫曉日開  
名山浩蕩泛舟回  
樓臺隱隱中流逝  
江漢滔滔南國來  
月傍龍宮雲氣濕  
風傳洲渚笛聲哀  
乘槎欲訪金銀闕  
星斗遙應接上台

秋懷

天目雲開接渺茫  
蓬萊山起對扶桑  
金書自昔藏神穴  
白雉何年獻越裳  
夜月湛盧思去國  
秋風蓴菜夢還鄉  
興來欲鼓瀟湘柁  
愁絕雲天幾鴈行

中秋錢塘江對月

江上長風萬里來  
天邊皓月一輪開  
百年時序同流水  
此夜江山共舉杯  
禹穴光涵龍隱見  
胥門怒激浪崩摧  
尋知旅食慚無補  
况復悲秋意轉哀



閩中漫興

古閩形勝俯丹青萬井連闌帶市橋天外三峯  
遙作鎮城中一水曲通潮蠻夷貢篚來滄海昭  
代衣冠拱聖朝聞道有人曾割據當年霸氣已  
全銷

其二

閩州風物異諸州暇日躋攀興轉幽爛熳荔枝  
新及夏蕭條榕樹老宜秋星分疊嶂蟠龍虎劍  
隱明池射斗牛莫道此行成汗漫百年何幸及

茲遊

送江進士纂脩還京

仙山雨過靜塵沙天闕雲移曉路賒千里輪軒  
隨漢使九霄文采動仙槎長卿諭蜀辭偏壯遷  
史浮湘志豈誇此去金門應有奏甘泉玉樹正  
春華

約陳天游何石湖二方伯遊大觀樓

一春簡懶少郊遊俗慮縈心苦未休此日欲攜  
闔市酒與君同上大觀樓溪山送目樓臺迥節



物驚心江海流明枉旌旗出城府龍門端遣並  
仙騶

登大觀樓

春明雨徑淨無泥約伴看山過日西江海每隨  
鴻鴈度風塵長傍鷓鴣啼笑開天畔登樓眼醉  
愛雲邊掃石題此去桃源真不遠歸途慮恐具  
茨迷

遊鼓山呈藩臬諸寮長

天擁名山奠越州英寮乘暇作清遊芝田木嶺

雲間出金屑瑤華地上浮落落高松龍偃蹇冷  
泠脩澗瀑懸流我來欲覓仙人杖笑拍洪厓過  
十洲

鸚鵡洲

昔年曾讀禰衡賦此日重過鸚鵡洲澤傍龜鼉  
高岸圻波搖蘭芷遠天浮騷人詞賦沈湘水帝  
子樓臺鬱楚丘自古文章身所累正平遺恨此  
江流

經廣武城



廣武城邊草樹青濁河波浪晝冥冥天呼垓下  
 真龍起事異鴻溝白馬刑日晚沙塲留返照秋  
 風燐火亂殘星英雄自古功無敵阮籍狂言未  
 可聽

湯陰岳武穆祠下作

百戰功收大將權坐令強虜遁穹旃可憐痛哭  
 金牌日正是潛移玉帛年嵇紹有心空衛主萑  
 弘無計可支天秋風罷飲黃龍府洛水嵩山共  
 黯然

涿鹿道中

涿鹿雲黃草樹深燕京風物晝陰陰河山尚擁  
 軒皇陣臺榭虛憐郭隗金甬過涼生高鳥喚天  
 低日落暮蟬吟腐儒未有干時策敢向泥塗嘆  
 陸沈

中秋長安對月

五雲臺殿麗晴霄萬里秋空月色饒玉兔影含  
 鳩鵲晶桂花香裊廣寒遙誰家搗練鳴桐杵何  
 處憑欄弄玉簫獨倚西風聽過鴈天涯落木正



蕭蕭

次朱凌谿登岳陽樓望洞庭

獨坐高樓瞰洞庭  
眼中波浪畫冥冥  
雨來湘漢兼天黑  
雲去衡巫擁地青  
仙子傳書孤鶴下  
山人吹笛老龍聽  
蕪葭零落芙蓉冷  
誰采香蘭弔屈靈

洞庭舟中聞鴈

瀟湘鴈來今幾時  
洞庭雲水鎮相宜  
傳書列字征心急  
殘葦折荷歸思遲  
度月關山應獨苦  
銜

蘆繒繳已先知呼雲政爾聲聲切  
吹笛高樓何處悲

白陽驛偶成

楚臯千里接長煙  
蜀道重關上九天  
碧葦波濤搖浴鷺  
青林風雨喚啼鶻  
東山小草因誰出  
北海深杯且謗傳  
自詫平生多浪跡  
愧無勲業續長編

過滾東

滾東滾西雲日晴  
官船槳鼓上灘行  
不憎檣燕



風前語寂愛山花  
雨後明杜甫草堂  
元地勝孔明圖陣  
自天成明朝灑潁  
瞿塘上却望連雲  
棧閣橫

舟中看山

山下清江學字流  
看山終日坐船頭  
峨眉嶂擁黛當西  
極劍閣橫鋒倚上  
游異域風塵毛髮  
改故鄉薇蕨歲時  
憂燕然銅柱非吾  
志回首滄洲興已  
投

自忠州行至涪州

忠州乘舸上涪州  
百丈牽船幾日休  
兩岸亂雲開石壁  
數山斜照擁江流  
碧鷄空憶當年往  
駟馬虛疑此日遊  
回首故園驚歲晚  
不堪蕭瑟動離憂

夔州秋興

瞿塘峽口有高樓  
樓下巴江學字流  
雨映楚宮魚復晶  
風迴巫岫麝香浮  
清秋圻岸蛟鼉出  
白日盤雲鶴鶴遊  
攬膝欲吟梁甫句  
夷歌何處下渝州



其二

西川道路通三楚南紀風煙散五溪一代漢皇  
遺業在兩間諸葛大名齊將軍漫用標銅柱使  
者無勞祀碧鷄一自杜陵經物色江山何處不  
堪題

其三

白鹽赤甲倚瞿門峽口巍巍勢獨尊萬里忽看  
吹過雨三聲何處下啼猿舟船上瀨波摧石腹  
臘遺田水蒲村寂寞草堂人已去清秋詞賦爲

招魂

三月接部重慶

古渝持節屬春行萬里山盤井絡形禹廟風迴  
江色綠巴墳草長燒痕青金湯郡國元天府琬  
琰人豪信地靈此日文翁弘治教謾勞司馬佇  
文星

其二

山從越嶠來巴國水下涪陵過楚江千里壯遊  
能有幾萬年形勝果無雙北征杜甫非吾土南



使相如亦故邦三載觀風知忝竊一時民俗喜  
敦龐

渝江曉行

曉日風清江度雲渝州山水自氤氳沿城草動  
青袍色破浪舟飛綵鷁文竹裏人家依石堡水  
邊漁艇傍鷗羣蜀中此日銷金甲賸喜農歌四  
野聞

長壽江中新漲

青天一舸木蘭橈春水新生漲未消兩岸雲濤

猶劈箭幾時烏鵲欲浮橋鯨波慣習舟人意蛟  
室虛勞客子謠萬里萍蓬行役苦故山何日定  
漁樵

曾東石太守少岷詩

少岷山自大岷來誰闢精靈混沌胎顏闔車廻  
青草合商翁歌動紫芝哀釣竿老却經綸手石  
室驚看著述才三徑日開來二仲豈令風雨長  
莓苔

瀘州秋興



城上秋笳送暮聲城頭楊柳不勝情總戎插羽  
行邊急督府分符刻日征擬假天威銷醜虜深  
愁餉道困蒼生哀哀戍卒連山谷干羽何年見  
太平合商會相應其二大知木非關雲山千里隔庭闈客裏寒生未授衣搗練誰家  
風颯颯吹笳滿地月輝輝季鷹豈爲蓴鱸去范  
蠡聊隨蝦菜歸回首滄江秋正好白蘋開遍釣  
魚磯

次水峽驛

隔岸長風吹白波蜀江千里險巖多啼猿每聽  
三聲下飛鴈難逢一字過蒲眼黃塵馳羽檄幾  
時滄海問漁蓑夜深月上灘聲靜時有巴渝發  
棹歌

次白崖

按部當年屬舊遊重來無奈鬢毛秋荒山落日  
千家筍古木橫查一澗流憲節凌空高鳥避金  
戈照日野狐愁玉門信有人間路浪說班生是



虎頭

贈別李遊擊將軍

將軍文武擅才難  
杖鉞褰旗喜再看  
郭令名高深入虜  
韓侯年少早登壇  
鐵衣雲薄春風暖  
羽帳霜嚴夜月寒  
獨愧儒生無遠畧  
未能談笑覓蟬冠

謁杜子美草堂

背郭堂開白帝城  
杜陵遺像儼丹青  
半生憂國勞行役  
萬里移居老客星  
不靖干戈時轉鬪  
無

家弟妹欲何經  
相隣况有隆中客  
地下長吟或共聽

梁山縣中

梁山縣中林木踈  
崖巒天開見遠蕪  
日暮城烏衝漢起  
春明野鳥向人呼  
溪流暗水泉鳴咽  
雨閣輕雲山有無  
坐久捲簾看不厭  
松蘿斜月傍人孤

陳南寧以大叅銜居田州府討賊喜而遠

寄



昔年姻婭過逢地此日東西歎索羣符節自天  
催使者戈船下瀨候將軍秋風畫省談兵法月  
夜星營拂劍文百粵功成須早報莫令翹首望  
長雲

次韻答西墅王大叅兼賀進表王以翰林  
脩撰陞職時督餉與予同征芒部

使星光照漢園花款款征輶喜過家捧表玉人  
清載鶴連雲石棧曲盤蛇謾誇司馬凌霄賦待  
上張騫貫月槎此去五雲凝太史上林春色爛

如葩

遂寧赴潼川校士偶成

邊徼行師隔歲回新春又作校文來人非太乙  
青藜火道豈中天赤雀媒一奏已聞山水操千  
金難易驪驪才踈慵敢謂明時棄夜夜遙天望  
斗魁

遊錦屏山書院

江上青山列錦屏江邊風景似丹青蒼溪影動  
峨嶠月劍閣光浮華嶽星杜老詩篇多物色譙



周文雅亦人靈我來不倦登臨興愧乏張生第一銘

舟次蓬州

避郭人家炊晚煙沿江沙岸俯居廛明星呼渡  
趨虛市白晝攤錢估客船四面丹峯攢素壁幾  
行碧樹貼青天觀風處處詢民隱愛聽人言官  
長賢

懷龍山戴侍御

千里雲連挽鷺車剛風隨地借吹噓繡衣已見

花明豸丹陛行看玉佩魚大造敢忘荃宰惠菲  
才真愧薦賢書清秋坐憶烏臺月光映水壺徹  
底虛

送石壁林憲副僚長

素髮蒼顏老憲臣西堂晤語覺情親楚江月落  
衡巫曉蜀嶺風行越鴉春貌凜風霜威已著心  
知水薤節猶真平生不愛麒麟畫回首滄洲夢  
亦頻

得小兒槐下第書喜而有作



爾才欲覓薦賢書千里傷離倍愴予下第未須  
隨俗態全身今喜傍親居平生已有三堪樂生  
計何妨百不如好把雲莊除蕪穢歸心久已契  
茅廬

春興

明皇當日幸巴州漢主曾經三峽遊棧道西來  
風雨惡永安東駐旆旌愁翠華想像春長在雲  
物淒涼水自流白帝高城遙矚眼英雄回首一  
荒丘

不食用韻挽青湖嚴王政

青湖湖上接草臺曾向高軒問字來落日竟浮  
仙馭去西風空棹酒船回文園不愧相如志漢  
室真憐賈誼才千古茂陵遺宿草百年虛負夢  
蓬萊

雲峽中行會同一

此地昭君舊有村青青蔓草翳荒原舟人不唱  
明妃曲却唱巴渝下石門

巫山



峨眉橫黛起雲間  
嫋嫋風吹十二鬟  
已向雙流窺石鏡  
更從三峽度巫山

波出傍雲脩竹林  
青青蔓草深  
豈無人不可  
雲移嶰谷下層阿  
一夜秋風響玉珂  
醉扣琅玕歌白石  
道人心已落滄波

室真達州和唐元禎韻  
刻畫窗草百半  
畫  
六相樓高帶市闌  
憂雲亭對翠屏山  
衙齋退食渾無事  
鈴閣花開鎮日閑  
神  
石倉十二代詩選  
王明三集卷之九



程